



ANGKATAN BERSENJATA


DIRAJA BRUNEI

STRATEGI & PELAN TINDAKAN

2020



KEBAJIKAN



TITAH

Mengambil berat perkara disiplin bererti menjaga sebahagian dari kebajikan anggota ABDB. Mereka tidak diragukan lagi adalah aset utama ABDB. Oleh itu, tahap moral setiap anggota perlu dijaga, jangan ia merosot. Jika tahap moral itu rendah, maka padahnya boleh menjejaskan sumbangan anggota terhadap organisasi pertahanan.

**TITAH KEBAWAH DULI YANG MAHA MULIA PADUKA
SERI BAGINDA SULTAN HAJI HASSANAL BOLKIAH
MU'IZZADDIN WADDAULAH IBNI
AL-MARHUM SULTAN HAJI OMAR 'ALI SAIFUDDIEN
SA'ADUL KHAIRI WADDIEN, SULTAN DAN YANG
DI-PERTUAN NEGARA BRUNEI DARUSSALAM
SEMPENA KEBERANGKATAN LAWATAN KERJA
KE ANGKATAN BERSENJATA DIRAJA BRUNEI
PADA HARI KHAMIS, 26 MUHARRAM 1441
BERSAMAAN DENGAN 26 SEPTEMBER 2019**

Diterbitkan oleh Kementerian Pertahanan, Brunei Darussalam

© Kementerian Pertahanan, Brunei Darussalam, 2020

Hak Cipta Terpelihara. Tidak dibenarkan mengeluarkan ulang mana-mana bahagian artikel, ilustrasi, dan isi kandungan buku ini dalam apa jua bentuk dan dengan cara apa jua sama ada secara elektronik, fotokopi, mekanik, rakaman, atau cara lain sebelum mendapat izin bertulis daripada Kementerian Pertahanan, Negara Brunei Darussalam.

Cetakan Pertama 2020

Atur Huruf oleh Kementerian Pertahanan,
Negara Brunei Darussalam

Dicetak oleh Juta Jaya Printing Company Sdn Bhd.

ISI KANDUNGAN

2	KEBAJIKAN ABDB
3	DEMOGRAFI KAJI SELIDIK
5	PERUMAHAN ABDB
7	MES & BEREK BUJANG
10	KEMUDAHAN PERKHIDMATAN
12	KELENGKAPAN BERTUGAS
15	KEWANGAN
18	HALA TUJU

BAB

PENGERTIAN

KEPENTINGAN

DEMOGRAFI KAJI SELIDIK



PENGERTIAN

"JAMINAN SOSIAL YANG DISEDIAKAN KEPADA ANGGOTA-ANGGOTA ABDB BERUPA KEISTIMEWAAN DAN KESEJAHTERAAN BAGI KEBERKESANAN OPERASI YANG OPTIMUM".

KEPENTINGAN

Memastikan kecekapan urusan pentadbiran yang berhubung kait dengan kesejahteraan anggota dari segi kesihatan dan prestasi.

DEMOGRAFI KAJI SELIDIK


2753

RESPONDEN
(ANGGOTA)



8 DARIPADA 10
PESERTA IALAH
LELAKI

PTB RENDAH
51%



Penyertaan anggota-anggota bagi kaji selidik kebajikan pada bulan Disember 2019 adalah sangat positif dan di luar jangkaan. Hasil daripada kaji selidik tersebut, beberapa faktor telah dikenal pasti sebagai penyumbang kepada isu-isu kebajikan. Hal ini membantu ABDB untuk menumpukan usaha ke arah merangka strategi-strategi yang diperlukan dalam jangka masa yang telah ditetapkan.



BAB


PERUMAHAN ABDB

MES & BEREK BUJANG




1723


RESPONDEN SUDAH
BERUMAH TANGGA



PENGGUNA PERUMAHAN ABDB.



80% PENGGUNA TIDAK BERPUAS HATI DENGAN KHIDMAT KERJA-KERJA PEMULIHARAAN.



HANYA 29% YANG DALAM KEADAAN BAIK.

PERUMAHAN ABDB

KEISTIMEWAAN BAGI ANGGOTA-ANGGOTA TENTERA YANG SUDAH BERUMAH TANGGA.

Anggota-anggota ABDB yang sudah berumah tangga adalah layak untuk memohon perumahan ABDB. Faedah yang diperolehi termasuk jaminan keselamatan keluarga, kemudahan ulang alik ke tempat bekerja, dan membantu menjimatkan kos perbelanjaan kewangan anggota. Walau bagaimanapun, hasil kaji selidik menyatakan bahawa terdapat beberapa kelemahan seperti keadaan perumahan yang kurang kondusif dan kerja-kerja pemuliharaan yang kurang memuaskan telah menimbulkan isu keselamatan dan sekuriti terhadap pengguna.



STRATEGI & PELAN TINDAKAN

KE ARAH KEDIAMAN YANG KONDUSIF



Penggunaan *One-Form System* telah dikuatkuasakan oleh Pejabat Perumahan, Jabatanarah Lojistik bagi pengurusan permohonan-permohonan perumahan dengan lebih teratur. Sebagai tambahan, sistem pangkalan data (*database*) juga akan diperkenalkan bagi membantu meningkatkan kualiti pengurusan dan perancangan perumahan.


ABDB juga telah mempertimbangkan untuk menyediakan perumahan alternatif untuk anggota yang sudah berumah tangga di luar perkhemahan tentera secara berkontrak semasa kerja-kerja pemuliharaan dilakukan pada perumahan yang ada di bawah jagaan ABDB. Di samping itu, ia akan membantu ABDB untuk mengurangkan tempoh menunggu perumahan. Dengan ini, diharapkan agar Projek Rehabilitasi Perumahan ABDB dapat menarik lebih banyak permohonan rumah kelamin pada masa akan datang.



MES & BEREK BUJANG

MENCERMINKAN IDENTITI,
MENINGKATKAN PERPADUAN
& *ESPRIT DE CORPS*.

Dengan adanya penyediaan perumahan untuk anggota yang sudah berumah tangga, anggota yang bujang juga berkelayakan menerima kemudahan kediaman. Walau bagaimanapun, pada masa ini, terdapat kekurangan dari segi kemudahan dan keadaan kediaman yang kurang kondusif bagi anggota-anggota bujang ABDB.



STRATEGI & PELAN TINDAKAN

KE ARAH KEDIAMAN YANG KONDUSIF.

Strategi yang serupa juga sedang diusahakan ke arah meningkatkan kualiti pengurusan mes & berek bujang. Di samping itu, beberapa inisiatif telah diusahakan seperti pembinaan mes dan berek bujang yang baharu. Selain itu, ABDB juga telah mempertimbangkan untuk menyediakan perumahan alternatif bagi anggota-anggota bujang ABDB di luar perkhemahan tentera secara berkontrak semasa kerja-kerja pemuliharaan dilakukan.

Di samping itu juga, anggota-anggota yang mendiami mes & berek bujang akan menerima kerja-kerja pemuliharaan yang responsif.

Sistem pangkalan data (*database*) yang telah diperkenalkan juga akan membantu meningkatkan kualiti pengurusan dan perancangan kediaman bagi anggota-anggota bujang ABDB pada masa akan datang.



JANGKA PENDEK

- Sistem Pangkalan Data Perumahan ABDB yang berpusat



JANGKA SEDERHANA

- Meneroka opsyen-opsyen kediaman anggota-anggota bujang ABDB di luar perkhemahan
- Pelan pemuliharaan kepada mes dan barek bujang yang sedia ada



JANGKA PANJANG

- Pembinaan mes & barek bujang baharu

BAB

3

KEMUDAHAN PERKHIDMATAN

&

KELENGKAPAN BERTUGAS



KEMUDAHAN PERKHIDMATAN

KESIHATAN MENTAL, ROHANI & FIZIKAL MEMAINKAN PERANAN PENTING BAGI KESEJAHTERAAN ANGGOTA.

85% responden menggunakan sekurang-kurangnya 4 daripada 8 kemudahan yang disediakan di dalam perkhemahan seperti dewan gerak badan, kolam renang, padang bola sepak, surau, sekolah, klinik kesihatan, perkhidmatan pergigian dan KOWIRA. Walau bagaimanapun, sebilangan responden berkeinginan untuk menggunakan kemudahan olahraga dalam jangka waktu yang lama. Selain itu, majoriti responden juga menyatakan ketidakpuasan hati dengan kerja-kerja pemuliharaan kemudahan yang disediakan.


Setiap perkhemahan yang ada dalam perkhemahan ABDB seharusnya mempunyai kemudahan olahraga yang lengkap seperti padang bola, kolam renang, balapan dan padang dan gimnasium. Walau bagaimanapun, beberapa kemudahan tersebut masih belum mencukupi jika dibandingkan dengan kemudahan yang terdapat di Akademi Pertahanan ABDB, Tanah Jambu.



Hasil daripada kaji selidik, ABDB akan menguruskan peruntukan kewangan dengan mengutamakan kerja-kerja pemuliharaan disamping menyediakan kemudahan-kemudahan tambahan. Oleh itu, anggota-anggota ABDB diingatkan untuk tidak menyalahgunakan kemudahan-kemudahan yang disediakan itu nanti.

ABDB juga akan memperkenalkan dan memperluaskan beberapa kemudahan seperti 'Priority Parking' untuk anggota-anggota wanita ABDB yang hamil dan juga anggota-anggota ABDB yang kurang upaya.

PENGGUNAAN KEMUDAHAN



STRATEGI & PELAN TINDAKAN

KE ARAH KEMUDAHAN KEMUDAHAN PERKHEMAHAN YANG LEBIH MAMPAN & BERKESAN BAGI SEMUA ANGGOTA

01

PROJEK KERJA-KERJA PEMULIHARAAN

02

PROGRAM KEMUDAHAN-KEMUDAHAN PERKHEMAHAN TAMBAHAN


KELENGKAPAN BERTUGAS

KEPERLUAN HARIAN UNTUK MEMASTIKAN PRODUKTIVITI DAN KECEKAPAN BERTUGAS.

Bekalan pejabat yang betul dan tersedia adalah mustahak dalam menjalankan kerja pejabat. Bekalan asas seperti pen, kertas, pencetak, fail dan peralatan kelengkapan pejabat yang betul dan mencukupi adalah penting bagi memastikan tugas-tugas harian pejabat berjalan dengan lancar. Akan tetapi, 55% responden menyatakan bahawa kelengkapan pejabat masih tidak mencukupi bagi keperluan yang dimaksudkan.

62%

TIDAK BERPUAS HATI
DENGAN KEADAAN
BEKALAN PEJABAT
SEMASA



STRATEGI & PELAN TINDAKAN

KE ARAH KELENGKAPAN PEJABAT YANG LEBIH MAMPAN DAN EFISIEN.

ABDB merancang untuk memperluaskan pembekalan secara kontrak yang berterusan daripada syarikat-syarikat pembekal bagi memastikan proses dan perkhidmatan pembekalan yang lebih mampan. Di antara kontrak-kontrak pembekalan tersebut termasuk kontrak kelengkapan pejabat dan juga kontrak perkhidmatan seperti tukang jahit dan dobi.

Penilaian logistik yang berterusan dari semasa ke semasa juga adalah sangat penting bagi memantau kelengkapan pejabat yang berdaya tahan. Ia mengambil kira bekalan dan keperluan mengikut perubahan teknologi semasa.



Di samping itu juga, pendidikan dan pendedahan anggota-anggota mengenai tatacara permintaan bekalan dan perkhidmatan yang betul memainkan peranan utama bagi mengekalkan kecekapan proses pembekalan sesebuah organisasi. Salah satu inisiatif yang diselenggarakan adalah seperti mengadakan modul pembelajaran khas di Sekolah Pertukangan Tentera, Institut Latihan ABDB.

**MESYUARAT
KUMPULAN
KERJA**




**PROGRAM
KELENGKAPAN
PEJABAT**



**PROGRAM
PERKHIDMATAN**



**PROGRAM
PENDIDIKAN
DAN
PENDEDAHAN**



4

BAB

KEWANGAN




KEWANGAN

HAK DAN KEISTIMEWAAN ANGGOTA.

ABDB memahami bahawa setiap anggota ABDB mempunyai latar belakang yang berbeza ke arah mencapai keperluan kewangan individu yang stabil. 54% responden menyatakan ketidakpuasan hati mengenai tatacara pengurusan kewangan dan prosesnya serta ada kalanya mereka kurang mengetahui akan status permohonan dan tuntutan mereka.



53% RESPONDEN TIDAK MENGETAHUI MENGENAI INSURAN ABDB.



60% RESPONDEN TIDAK BERPUAS HATI DENGAN PEMROSESAN KEWANGAN ABDB.


STRATEGI & PELAN TINDAKAN

KE ARAH EKOSISTEM KEWANGAN YANG CEKAP & MAMPAN.

ABDB merancang untuk menangani isu ini melalui dua kaedah:

- Kaedah pensejajaran proses dan prosedur perkhidmatan tuntutan kewangan yang lebih mampan dan efisien. Penambahan perjawatan anggota-anggota kewangan di setiap unit ABDB bagi menampung keperluan anggota-anggota ABDB yang semakin bertambah.
- Pendidikan dan pendedahan anggota-anggota akan perkhidmatan kewangan melalui taklimat-taklimat dan bengkel-bengkel kewangan yang berterusan. Di samping itu juga, khidmat nasihat-nasihat kewangan juga akan diperkenalkan di Pusat PRIHATIN ABDB bagi membantu pengurusan kewangan anggota-anggota jika diperlukan.

ABDB juga akan memeriksa dan mengaudit proses dan prosedur dari semasa ke semasa untuk mengenal pasti kekurangan yang dapat diperbaiki bagi memastikan kualiti perkhidmatan secara berterusan.



STRUKTUR ORGANISASI & PENINGKATAN SISTEM



SISTEM PEMANTAUAN & MAKLUM BALAS



PROGRAM PENDIDIKAN & PENDEDAHAN



HALA TUJU




HALA TUJU

KE ARAH DASAR & STRATEGI KESEJAHTERAAN YANG MAMPAN, EFEKTIF & EFISIEN BAGI MEMASTIKAN SISTEM KESEJAHTERAAN YANG BERDAYA TAHAN UNTUK ANGGOTA-ANGGOTA ABDB.

Isu kesejahteraan merupakan isu yang akan sentiasa di hadapi oleh mana-mana organisasi tidak terkecuali ABDB. Pelbagai usaha telah diselenggarakan bagi menangani isu-isu tersebut. Walaun bagaimanapun, ABDB perlu mengatur strategi dari masa ke semasa dengan mengikuti perkembangan landskap sosio-ekonomi yang dinamik bagi memastikan kesejahteraan anggota-anggota sentiasa dikemaskini.

Strategi-strategi dan pelan-pelan tindakan yang telah diatur diharap akan dapat melengkapkan sistem kebajikan yang sedia ada. Dengan adanya pelaksanaan strategi-strategi dan pelan-pelan tindakan itu nanti, ia boleh membantu ABDB untuk mengendalikan proses dengan lebih efisien, memberikan tindak balas yang lebih responsif dan memastikan suara anggota-anggota didengar serta diambil tindakan sewajarnya. Secara menyeluruh, inisiatif-inisiatif yang telah dinyatakan bertujuan untuk memberikan asas sistem kebajikan yang kukuh dan berdaya tahan pada masa akan datang.





Sila imbas kod
QR untuk layari
laman sesawang



HUBUNGI PUSAT PRIHATIN
2386143



PUSATPRIHATIN@MINDEF.GOV.BN



LAYARI
WWW.MINDEF.GOV.BN



@MINDEFBRUNEI